

XVI CAMPUS DEPORTIVO DE VERÁN CONCELLO DA ESTRADA 2025

1.- INTRODUCCIÓN.

O departamento de deportes oferta para os meses de xullo e agosto, o Campus Deportivo de Verán do Concello da Estrada.

Todas as actividades están especialmente dirixidas ás idades e desenvolvemento psíquico-físico das persoas participantes e todas elas desenvolven tamén, de xeito transversal, valores de disciplina, esforzo, perspectiva de xénero, integración, hixiene e respecto ás normas en base as idades e características individuais dos nenos e nenas inscritos/as.

O Concello da Estrada, coordinará tódalas medidas de seguridade, de prevención da saúde e de hixiene que a situación require para coidar ao máximo a saúde tanto dos participantes coma do persoal que leva a cabo á actividade.

2.- DESTINATARI@S.

A actividade está dirixida para **nenos/as de 5 (cumpridos a día 1 de xullo de 2025) a 15 anos (cumpridos a día 1 de xullo de 2025), nados/as entre o ano 2010 e o ano 2020**, e terá lugar nas instalacións da zona deportiva do Concello, en horario de 8:30 ás 14.30 horas, para facilitar a conciliación laboral. As instalacións onde se realizarán as actividades, cumpren cos protocolos de hixiene e prevención para este tipo de actividades.

3.- PREZO.

A inscrición no XVI Campus Deportivo de Verán, será por quincenas.

Prezo: 40 euros por participante e quincena.

Bonificacións:

- As familias numerosas terán un desconto en cada membro do 20% sobre o prezo (32 euros).
- As familias monoparentais terán un desconto do 20% sobre o prezo (32 euros).

Os participantes poderán solicitar as quendas/quincenas que consideren necesarias ata un máximo de 4, cubrindo na folla de inscrición, a orde de prioridade. Poderán entrar nas quendas non preferenciais sempre e cando existan prazas vacantes.

No formulario de inscrición deberá indicar se o rapaz ou rapaza ten calquera tipo de enfermidade e/ou discapacidade. Estes datos só se tratarán co fin de facilitar os apoios e as adaptacións necesarias para o mellor desenvolvemento das actividades. O programa non dispón de persoal sanitario, polo que non se responsabiliza da administración de calquera tipo de medicación. Únicamente existe no cadro de persoal, socorrista e/ou administrador de primeiros auxilios.

4.-ACTIVIDADES.

O programa deportivo que detalla as actividades desta edición, estarán orientadas a crear hábitos saudables e activos, priorizando as actividades ao aire libre e aquelas tarefas que se poidan levar a cabo dentro da práctica da disciplina deportiva, que requiran o menor contacto posible.

Os horarios e a programación das actividades de cada quenda faranse en función das idades dos nenos/as polo que non todos os/as participantes do campus deportivo farán as mesmas actividades.

As actividades que oferta o Campus Deportivo de Verán son, entre outras: fútbol, baloncesto, atletismo, bádminton, actividades acuáticas, tenis, atletismo e xogos predeportivos de iniciación para os máis pequenos. A maiores realizarase unha excursión en cada mes, o parque acuático de Cerceda, en data a determinar.

Os días de actividade do XVI Campus Deportivo de Verán, serán os seguintes:

XULLO						
LUNS	MARTES	MÉRCORES	XOVES	VENRES	SABADO	DOMINGO
	1	2	3	4	5	6
7	8	9	10	11	12	13
14	15	16	17	18	19	20
21	22	23	24	25	26	27
28	29	30	31			
AGOSTO						
LUNS	MARTES	MÉRCORES	XOVES	VENRES	SABADO	DOMINGO
				1	2	3
4	5	6	7	8	9	10
11	12	13	14	15	16	17
18	19	20	21	22	23	24
25	26	27	28	29	30	31

▪Días de actividade

▪Días de non actividade

O XV Campus Deportivo de Verán ofertará as seguintes quendas, e o participante poderá solicitar as que considere necesario, marcando unha orde de preferencia. Aquela quenda que marque como primeira, será na que poderá entrar de xeito preferente. Nas quendas marcadas como, segundas, terceiras e/ou cuartas opcións, so entrará no caso de que haxa prazas libres:

QUENDAS	DATAS
1ª QUENDA (Q1)	DO MARTES 1/7 O MARTES 15/7 (11 DÍAS)
2ª QUENDA (Q2)	DO MÉRCORES 16/7 O XOVES 31/7 (11 DÍAS)
3ª QUENDA (Q3)	DO VENRES 1/8 O XOVES 14/8 (10 DÍAS)
4ª QUENDA (Q4)	DO LUNS 18/8 O VENRES 29/8 (10 DÍAS)

5.- PROCEDEMENTO DE INSCRICIÓN.

➤ PRESENTACIÓN DE SOLICITUDES:

As solicitudes de inscrición deberán presentarse obrigatoriamente a través da sede electrónica do Concello da Estrada (<https://aestrada.sedeelectronica.gal>), ou no seu defecto no Rexistro Xeral do Concello da Estrada, en horario de 9:00 a 14:00 horas de luns a venres.

➤ **PRAZO DE INSCRICIÓN: DO LUNS DÍA 26 DE MAIO ATA O DOMINGO DÍA 8 DE XUÑO DE 2025.**

➤ DOCUMENTACIÓN A PRESENTAR

- ✓ Ficha de inscrición ca foto do/a neno/a cumprimentada.
- ✓ D.N.I do/a neno/a
- ✓ D.N.I do pai, nai ou titor.
- ✓ Tarxeta sanitaria do/a menor
- ✓ Libro de familia ou, no seu defecto, outro documento que acredite oficialmente a situación familiar de familia numerosa ou monoparental.
- ✓ Certificado médico no caso de enfermidades crónicas ou outras afeccións.

➤ CRITERIOS ADMISIÓN:

Para atender o número de solicitudes de cada quenda, atenderanse segundo a seguinte orde de prioridades:

- ✓ Rapaces/zas e rapazas empadroados/as no termo municipal.
- ✓ Rapaces/zas que acrediten a condición de familia monoparental ou familia numerosa empadroados/as no termo municipal.
- ✓ Rapaces/zas con domicilio no termo municipal pero non empadroados/as no termo municipal.
- ✓ Rapaces/zas non empadroados/as no termo municipal.
- ✓ Orde de rexistro de entrada das solicitudes.

➤ PAGAMENTO:

Unha vez confirmada pola organización o/a solicitante, a participación do neno/a no XV Campus Deportivo de Verán, deberase de realizar o pagamento, de xeito presencial na oficina do Banco Sabadell ou de xeito telemático, e achegar/enviar o xustificante de pago o departamento de deportes no 4º do Concello ou o primeiro día da actividade entregarllo o monitor/a.

Nº CONTA PAGO CAMPUS (BANCO SABADELL): ES78 0081 2208 230001012603

➤ DEVOLUCIÓN:

Para a devolución de ingresos indebidos no XV Campus Deportivo de Verán, deberase de realizar unha solicitude no Rexistro Central do Concello, adxuntando o comprobante do pagamento, así como o certificado bancario do titular, no prazo de 10 días dende que se lle comunicara a/o coordinador do Campus a causa da baixa do/a participante ou o motivo da solicitude da devolución.

6.- SEGURIDADE E HIXIENE.

Control previo a actividade.

- ✓ As persoas responsables da actividade (coordinador/a e monitores/as) velarán pola seguridade da actividade mediante o control á entrada das instalacións e o adecuado cumprimento de todos os protocolos e normas de seguridade establecidos.
- ✓ Reforzaranse as mensaxes de recordo dos comportamentos adecuados e permitidos para cada actividade.

Cumprimento de normas e responsable de grupos

- ✓ Asignarase un monitor ou monitora responsable por grupo que controla a realización das actividades e será responsable do respecto das normas.

Adecuación, organización e distribución das actividades.

- ✓ A división dos grupos será estrita e tendo en conta a data de nacemento dos rapaces e rapazas inscritos. Poderá darse o caso de que rapaces e rapazas pertencentes a un mesmo curso escolar, estean en grupos diferentes, non estando permitidos os cambios de grupo.
- ✓ Cada participante deberá levar a súa merenda e bebida.

Desprazamentos, entrega e recollida de participantes.

- ✓ O punto de encontro marcado de xeito oficial son as instalacións das piscinas municipais. O recollida dos nenos/as será na entrada principal e a recollida pola entrada lateral que hai cara o campo de fútbol municipal Manuel Regueiro.
- ✓ O/a coordinador/a do Campus será o/a encargado/a de xestionar a recollida e a entrega dos nenos/as participantes. No caso da entrega únicamente poderán recoller os/as participantes as persoas autorizadas na ficha de inscrición.
- ✓ Cada neno/a acudirá ás instalacións do Campus Deportivo de Verán acompañado por unha única persoa adulta, co fin de evitar aglomeracións tanto na hora da entrada como na de recollida.
- ✓ Para facilitar o tránsito entre persoas nos horarios de inicio e peche das actividades, de xeito escalonado, as familias poderán chegar á actividade entre as 8:30 horas e as 9:00 horas e poderán recoller os/as nenos/as entre as 14:00 e as 14:30 horas.